

SAITUAL-AH DISTRICT CO-OPERATIVE OFFICE CHUNGCHANG ZIRCHIANNA NEIH A NI

Dated Saitual the 16th Jan 2025:

Vawiin chawhnu Dar 3:00PM khan Pu Amit Sharma, IAS, Hon'ble Secretary to the Government Of Mizoram, Co-Operation Department hovin District Co-Operative Office chungchang zirchianna thutkhawm DC Conference Room, Saitualah neih a ni a, he hunah hian Dr Lalngura Tlau, Saitual Bawrsap chuan lo dawngsawngin Saitual District chungga Co-Operative Society, M-PACS etc hruaitute nen inkawmhona an nei a ni.

Pu Amit Sharma, IAS, Secretary, Cooperation Department chuan thu sawiin kumin hi "International Year of Cooperation" a nih angin Cooperation Department tan hun tha tak a rawn inher chhuak tih a sawi a, department dangte nen khaikhinin an pawimawh nep bik lo tih a sawi bawk. Pu Amit Sharma chuan MPACS hmangin thlai chingtute chu an thlai hralhna kawng kawhhmuhsak an ni a ti a, Animal husbandry leh fisheries lamah te pawh hmasawna hmuh tur a awm zel chu lawmawm a tih thu sawiin, Cooperative department chu a hlawhtlin theih nana a banpui ber a ni, a ti.

Secretary chuan mipuite chu bul tan nana MCDC puihnaa soft loan la tura kan inhrilhhriat a pawimawh a ti a, schemes hrang hrang tha tak tak te puanzar kawngah hma lak a tul a ni, a ti. Secretary chuan district level-ah cooperation department chuan theih tawp a chhuah zel tur thu a sawi a, Saitual district chu an district tlawh hmasa ber a ni tih tarlangin, line department te chu thawhhona tha tak an neih theih nana theih tawp chhuahpui turin a sawm nghal a ni.

Pu John LT Sanga, MCS, Registrar of Cooperative Societies pawhin thu sawiin hun tha tak an nei thei chu lawmawm a tih thu sawiin saituala an rawn kalchhante a sawifiah a, kalkhawmte hnenah Society kan tihchak chuan retheihna umbona kawngah hmanraw tha tak a ni thei a ni, a ti a, sawrkar puihna scheme leh programme ringawt kan nghah chuan hmasawna a awm thei dawnlova, Co-Operation Ministry kan tihchak chuan India hian retheihna umbona kawngah society chak zawk a siam thei dawn a ni, a ti.

Vawiin meeting ah hian Pu John LT Sanga, MCS, Registrar of Cooperative Societies, Pu Vanhlupua, Deputy Registrar, Cooperation Department, SK Das, DCO/Deputy Registrar, Cooperation Dept, Pu Lalthakima, SDO(Sadar), Pi Christina Lalnunfeli, SDC, Pu H Lalhmangaihzuuala, Branch Manager, Mizoram Cooperative Apex Bank Keifang, Pu Lalnunpuia, Superintendent, DC Office, Saitual, LAMPS Cooperative Society Ltd, Saitual Consumers Cooperative Societies Ltd, Keifang Consumers Cooperative Societies Ltd leh Sihfa M-PACS Ltd Chairman theuhte an tel a ni.



